



(90393

重刻秣坡先生詩集卷之二目次

五言絕句

寫意

題回

書屋

書湯英潤羅扇

大庾嶺寄馮梅窓表弟

戍婦

墨梅

淵明歸庄圖

夏揮使龍虎圖

六言絕句

茅屋清隱圖

二首

送戴大使

秣坡先生詩集

卷二目次

一

風雨老嫩竹爲邑宰黃昭題

四首

七言絕句

送李生麟會試

辭岡泮教職呈湖宗汪先生

觀獵西苑呈西菴孫先生

從西菴孫先生出使高麗

東瓊南王仲迪

譚節婦了髻潭

謝釋道明惠猫

訪陳原道

閨詞八首

送春



應徵北 上道經清溪驛

金川謾書

過丁家橋見梅

歸宗寺經羲之洗硯池

至南華寺觀衣鉢錫杖雙履六祖金鎖骨金

闌袈裟貝葉經等物暮泊溪口

贛州訪江東廟二首 舟次儲潭廟

訪山家還遇雪 遊醉石觀

宿太平觀 大曠湖聞瀑布

謁三閭祠二首 謁趙文節公祠

秣坡先生詩集

卷二 目次

二

到揚州

洞陵縣訪謫仙讀書臺

訪李謫仙所登娥眉亭

思家 二首 竹枝歌 二首

戍婦詞 二首 從戎別母

胥江驛柬鄉中親友 宿藥塘村

宿鎮陽峽 滇陽峽二歌

英德縣 泊五侯書所見

濠裏驛 七夕

宿定公港 二首

至淮安彌旬抱病

望山海訪孟姜女望夫臺遺址

寄澄淵張州判 遼陽贈使者南還

宿薊門 寄諸弟 二首

憶幼子 喜得家書

寄家 二首 客中元旦首 絕句 五首

登臺 二首 對鏡

楊妃菊爲朱閫帥題 送客 二首

醉後縱筆 四首 絕句 二首

秣坡先生詩集 卷二 目次 三

寄家 三首 重過小孤山

望廬山

午夜還鄉呼酒先登釣臺書二絕於壁 二首

送客還遼東柬謝諸藩帥

陳宗沆妓筵賽神召不及赴書一絕荅之時

宗沆之弟江執戍遼陽故云

畫梅紅白香實圖爲古州李生泰題 三首

麥玄中竹梅二畫

古賢圖爲譚生廷訓題 四首

桃李榴荔四果圖爲鄧生士齊題 四首

春前一日書 淞江釣者

京回口號 題雲林書屋圖 二首

漫興 賀陳指揮壽 二首

題画 與張澄淵覓桃栽

寘樂圖 爲夏揮使題 題士女觀書圖

題趙文貴画 四首 画梅

揚州

題雙門謝生佐山水圖

秣坡先生詩集 卷二目次

竹圖 爲董生匡題

過大庾嶺寄馮梅窓表兄

醉後縱筆

聽鳥

思歸

洪武丁丑免戍南歸 自乙丑戍遼至是蓋十三年也

賀王揮使生日

紅梅國

秣坡先生詩集卷之二目次終

重刻秋坡先生詩集卷之二

五言絕句

寫意

機
京國初歸日江門晚渡時幽懷寫不盡魚鳥自忘

題畫

過
秋巖有高士掃石松下坐忽憶圭峯樵抱琴欲相

書屋

秋坡先生詩集

卷二 五言絕句

一

曙
長松倚碧山高入讀書處搔首出門來月明天未

書湯英潤羅扇

綠
扁舟何處來浩浩剡溪曲不是雪夜期松杉滿庭

大庾嶺寄馮梅窓表弟

岡
自出梅關外江山非故鄉夢魂不怕遠夜夜到隋

戊婦

路遠無書寄天空有雁過金錢聊遠卜何日罷干
戈

墨梅

歲寒雪月交夜永龍蛇動莫將鐵筴吹驚破孤山
夢

淵明歸庄圖

宋室方興日先生歸去時柴門五株柳風動綠絲
絲

夏揮使龍虎圖

秣坡先生詩集

卷二 五言絕句

二

文明見在田廝巖養頭角興雲飛上天普濟蒼生
樂

倚樹一嘯風百獸俱踉蹌苟無如是威何以鎮邊
疆

六言絕句

茅屋清隱圖

流水河溪幾曲斜陽古樹三丫養浩囂囂佳景茅

亭清隱詩家

綠樹低連老屋斷橋斜蘸清波恍惚杜陵韋曲幾

時載酒相過

送戴大使

官滿南州海表風清北上京華人在江門分袂客
從庾嶺還家

風雨老嫩竹爲邑宰黃昭題

篁簾溪邊夜泊蕭蕭亂耳清音堪慨子猷歸去使
君誰與同心

花落黃陵廟裏獨見萬箇琅玕風雨連陰三月歌
殘白苧猶寒

秣坡先生詩集

卷二 六言絕句

三

老節誰與君守貞心孰與君同奔李春風過眼歲
寒祇有梅松

稚子錦綳纔解初篁碧玉成叢堪笑渭川太守扶
疎于畝胸中

七言絕句

送李生麟會試

聖朝養士重賢才白首惟予說草萊他日歸來如
訪問蘆花明月釣魚臺

辭岡泮教職呈潮宗汪先生

生平半落一儒衣，虛譽應慚長者知。
主掌人文何事業，重煩青眼顧衰遲。

觀獵西苑呈西菴孫先生

屬車先報獵前山，雲擁旌旗萬馬屯。
獨有相如能進諫，聲華不愧漢衣冠。

從西菴孫先生出使高麗

遠逐星輶出海門，扶桑東望尚漫漫。
不遊八極無垠外，那識乾坤只恁寬。

東瓊南王仲迪

秣坡先生詩集

卷二 七言絕句

四

欲奏南薰薰嘉樹，陰堪輿無缺少。
知音金蘭只有南天士，鴻雁不來歲月深。

譚節婦了髻潭

見邑志

鐵石肝腸歎卽休，竇家姊妹可爲儔。
知心惟有潭中水，萬古清清只自流。

謝釋道明惠貓

插架牙籤怨武兒，偶從蕭寺得蕭妃。
子今已儼玄華業，弗記當年骨醉時。

訪陳原道

良金山下憶重遊
松桂森森曲徑幽
歌徹采蕭人未遇
一聲猿鶴碧天秋

閨詞八首

愁心都不管年華
每到春來恨轉賒
綠柳成陰花結子
玉人天外未還家

幾度悲秋懶下堂
翠翹金鳳爲誰忘
重門盡日無人跡
只有堦前草自芳

書說還家不到家
門前修竹綠交加
竹枝亦似離人淚
夜夜無風滴露華

秋坡先生詩集

卷二 七言絕句

五

晝長無賴倚窓兒
門外秋深色漸稀
鄰婦不知人世苦
亦憐秋老歎愆期

滿庭桃李鬪春華
戲蝶遊蜂度午花
只見雙雙來又去
可憐人世似搏沙

西風吹雁落平沙
蘆葦秋黃稻始花
轉眼不時秋又到
只愁邊地早霜華

別來顏色已非前
懶向粧臺整翠鈿
愁絕不禁秋夜永
自歛寒枕聽更眠

聞君鞍馬踏秋回
吹老西風尚未來
夜雨孤燈羈

客枕不知誰薦洗愁杯

送春

春來江岸雨霏霏
春去園林綠未稀
春去春來成底事
東風原自不曾知

應徵北上道經清溪驛

蒲帆破曉到清溪
溪上人家曙色迷
獨有幽禽知我意
野花叢裏盡情啼

金川謾書

鳳凰山下雪初消
衰草寒烟共寂寥
何處玉人樓

秣坡先生詩集

卷二十七 絕句

六

獨倚月明淡夜聽吹簫

過丁家橋見梅

與君疎懶十年情
夢入羅浮路幾程
今日客途重相見
歲寒風味一般清

歸宗寺經羲之洗硯池

藜杖輕輕白苧衣
金輪峯上立斜暉
行從洗硯池邊過
帶得餘光滿袖歸

至南華寺觀衣鉢錫杖雙履六祖金鎖骨金

闌袈裟貝葉經等物暮泊溪口

閒隨飛錫訪招提直躡雲根足不迷花雨弄晴天
欲曙滿船明月出曹溪

贛州訪江東廟

紫翠重重一徑開虎頭城外訪天台五仙排闥呈
休徵怕有仙人騎鶴來

路入仙源萬綠堆重重樓閣倚山開神仙與我如
相約報道仙槎八月回

舟次儲潭廟

十八灘前古廟頭金飈薦爽正颼颼洞門雲散暮
林坡先生詩集

卷二 七言絕句

七

天澗千里月明山更幽

訪山家還遇雪

披雲衝雨訪山家獨立匡廬領物華風雪漫天歸
路晚一襟清氣似梅花

遊醉石觀

淵明歸庄每醉
臥此石因各之

靖節先生歸去來好懷長向此中開文采風流今
已矣還畱醉石伴蒼苔

宿太平觀

有唐玄宗御製碑

直入仙源路已荒四山松竹鬱蒼蒼斷碑遺跡烟

霞老猶帶開元雨露香

大曠湖聞瀑布

半天風雨瀉雲屏笑臥蘆花被底清豈有文章追

永叔倚篷深夜聽秋聲

謁三閭祠

幾家茅屋楚江臯遺廟丹青俯碧濤惆悵獨醒人

已遠空餘哀怨寄離騷

春日潛行楚水隅浩歌彈鋏訪三閭客懷落落知

多少欲擬先生問卜居

秣陵先生詩集

卷二 七言絕句

八

謁趙文節公祠

池州守趙昂發城將陷告其妻以死節妻曰卿爲忠臣妾

不能爲忠臣妻耶遂俱

縊伯顏入城泣葬之

婦節夫忠古所難使君此舉義全安高風不獨傳

千古解使聲名動伯顏

到揚州

落日江都半是霞野人猶說帝王家長堤一道青

如染還有垂楊集暮鴉

洞陵縣訪謫仙讀書臺

太白騎鯨天上遊空餘臺榭倚山丘開元風月詩

千首萬丈豪光射斗牛
訪李謫仙所登蛾眉亭

牛渚江邊泊綵舟
蛾眉亭上聳吟眸
眼前風景俱奇絕
李白題詩在上頭

思家

孤村一曲抱清江
別後長懷父母邦
南北相看天萬里
夢魂長遠讀書窗

紫水橋東是我家
別來三載量無他
高槐細柳參差綠
三徑猶存晚節花

秣坡先生詩集

卷二十七言絕句

九

竹枝歌二首

湘江女兒單紵衣
娥皇廟前歌竹枝
春聲只會聞相惱
不管人間有別離

瞿塘猿聲天上哀
白帝城下水如雷
百櫂旋過人鮓甕
莫着郎船八月來

戊婦詞

坐看星斗落秋霄
豈有神官役鵲橋
一帶銀河中隔
斷女牛空見夜迢迢
欲掃鸞箋寄彩雲
敢將心事忽夫君
蜀山花竹湘

潭水望帝春聲獨不聞

從戎別母

拜別慈顏強荷戈肅將

君命敢蹉跎倚門莫念邊城事 聖代于今雨露

多

胥江驛東鄉中親友

自從分袂各西東一路雲山紫翠重回首親庭應
未遑白雲飛處是圭峯

宿藥塘村

秣坡先生詩集

卷二 七言絕句

十

綠樹柴門一抹村鷓鴣啼處又黃昏落花流水皆
離思行客悽然欲斷魂

宿鎮陽峽

鎮陽峽裏逢端午萬疊雲山酒一壺莫笑客懷常
寂寞攏船燒笋當菖蒲

滇陽峽歌

平生見說滇陽峽今日親從峽裏遊灘聲嘈嘈水
流急今古行人盡白頭

一路好山圖畫開舫艫飛入雲霞堆女郎唱歌齊

拍手道是阿儂天上來

英德縣

英德縣前江水流綠楊陰下繫行舟開篷沽酒動
長嘯洗盡萬斛之窮愁

泊五侯書所見

溪頭昨夜水沒磯細雨漠漠暗暉了鬢三五隔
溪女唱歌撩亂摸魚歸

濛裏驛

濛裏維舟日已西不堪幽思正淒淒長松夾道青

秋坡先生詩集

卷二 七言絕句

十一

如染更有子規溪夜啼

七夕

蔣陵山下泊行舟客裏驚逢七夕秋銀漢縱橫涼
似水倚篷深夜看牽牛

宿定公港

四月江南烟樹濃吳山楚水寄行踪南風吹起鱗
魚美到處山林啼郭公

風雨瀟瀟蘆荻秋人家多住碧溪頭流螢萬點光
如燭不照行人一段愁

至淮安彌旬抱病

滿日陰雲暗未開秋風抱病強登臺淮陰漂母無尋處誰識王孫濟世才

望山海訪孟姜女望夫臺遺址

長城遺跡已塵埃猶說秦人此地開姜女茫茫千載後海邊還有望夫臺

寄澄淵張州判

自向渾河問濯纓閒雲野鶴共幽盟因風寄語洪都客何日扁舟訪子陵

秣坡先生詩集

卷二 七言絕句

十一

遼陽贈使者南還

遼陽三月朔風高使者南歸衣錦袍持節直從三島過紫雲深處宴蟠桃

宿薊門

胡烟漠漠晝雲垂萬里邊臺客到稀直上籌邊樓上望薊門秋雨濕旌旗

寄諸弟

幾年書劍笑從軍多少征鴻入塞雲惟有故園音信杳別來時復念離羣

自憐汨沒在天涯幾度春風閱歲華最念田真苦
相失月明空對紫荆花

憶幼子

別後寒梅幾度開前時驥子尚嬰孩願言他日相
逢處莫問客從何處來

喜得家書

少年意氣欲橫秋此日閒看東逝流道路干戈憐
阻絕封書還慰客邊愁

寄家

秣坡先生詩集

卷二 七言絕句

三

蘄雲朔雪映征衣夜夜故園入夢思書劍飄零渾
未定今年猶見雁南飛

絕句

寶篆香消夢乍回好懷聊爲晚涼開珠簾半捲春
如海無數青山入座來

誰憐客裏病厭厭自覺鄉思日日添從此無心愛
良夜任教花影過疎簾

十二朱樓多麗人紅顏綠鬢頰生春閒情不惹巫
山夢明月清風作兩鄰

調柳河邊夜雨過詩懷偏少客懷多東鄰輕薄諸
年少爭唱高陽出塞歌
朔雪霏霏擁被眠柳營偏近戍樓邊石牀驚覺還
家夢梅角一聲霜滿天

登臺

幾回送目上層臺強把幽懷借酒開歸路茫茫杳
南北晚烟連樹接蓬萊

謾學縱橫季子遊弊裘落落笑羈畱客懷何處堪
消遣時上籌邊第一樓

林坡先生詩集

卷二

七言絕句

西

對鏡

瀟瀟朔雪灑征衫身在遼陽憶嶺南青鏡頻看悲
素髮秋風渾欲不勝簪

楊妃菊爲朱閩帥題

一自鬼坡別駕時英魂飛上傲霜枝于今冷落東
籬下腸斷君王知不知

送客

綠楊陰下紫騮嘶忍向江頭送客歸滿目離情秋
色老幾行征雁向南飛

幾年爲客歷風霜每見南人問故鄉料得江門烟
景在青山如染映斜陽

醉後縱筆

碧油幢下侍元戎出塞期收破虜功勒石燕然猶
未遂幾回橫劍倚崆峒

客裏風波幾度驚每因愁處寓閒情江南行盡未
歸去直上遼陽訪管寧

遼陽天氣異中華春盡園林未見花那似故園風
景好綺羅叢裏駕香車

秣坡先生詩集

卷二

七言絕句

五

絕句無人獨自敲閒情雲月上花梢夜長無處消
幽恨謾學楊雄賦解嘲

絕句

故鄉南望隔風烟客裏爲家過十年用盡黃金歸
未得五陵豪氣尚依然

白雁南來萬里餘平安寄汝一封書離情別恨多
如雨寫入春山作畫圖

寄家二首 答中元且一首

羨歎人生得意遲菊殘猶有傲霜枝玉容不必添

憔悴畱取香風晚節吹
自拋逢掖着征衣書劍飄零與願違兩地相思歸
未得今年猶見雁南飛

東風先我過梅關爲報今年海外還萬里歸裝何
所有浩吟詩思滿江山

重過小孤山

昔年曾過海門關一別江山十載間今日扁舟賦
歸去蒲帆又過小孤山

望廬山

秣坡先生詩集

卷二

七言絕句

六

長江千里送歸舟重過名山憶舊遊風景蒼蒼只
如昨烟波離思滿汀洲

午夜還鄉呼酒先登釣臺書二絕於壁

十年戎馬不離鞍沙漠長城萬里寒今日歸來渾
未老青山還許白頭看

憶昔邊城夜未歸臂懸弓劍趁鵬肥殺心今覺消
磨盡鷗鷺從教自在飛

送客還遼東東謝諸藩師

越南燕北旆縱橫十載承恩歸舊邦喜有釣臺風

景在一竿便得老秋江

陳宗沆妓筵賽神召不及赴書一絕蒼之時

宗沆之弟江執戎遼陽故云

錦瑟銀箏白玉卮賞音自是有鍾期獨憐孤雁長
城外叫斷南雲總不知

畫梅紅白香實圖爲古州李生泰題

昔向深宮伴壽陽冰肌雪貌白霓裳而今寂寞東
軒外只學山家澹澹粧

昨上羅浮訪葛洪丹砂換御舊時容時人不識風

秣坡先生詩集

卷二 七言絕句

七

流態爭道芳顏帶酒紅

冰魂綽約帶輕烟萬斛寒香雪霽天吟到孤山詩
更好欲憑孤鶴訪逋僊

麥玄中竹梅二畫

僊風吹下蓬萊島彩鳳蒼龍一齊老波濤颭颭筆

底生頤覺新涼滿幽抱

昔日孤山夜泛船醉歌明月訪逋仙白頭又上羅
浮路一色瑤池淺水邊

古賢圖爲譚生廷訓題

黃閣朱扉是業緣折腰懶向督郵前抱琴倒挂茅
亭下翠柳黃花自在天

淵明歸庄

剡曲溪頭近若何扁舟風雪夜相過象城亦有知
音者幾度停雲興更多

王猷訪戴

綠柳青池護碧亭無端風月暢幽情觀鵝到處堪
消遣豈獨山陰寫道經

羲之觀鵝

杜曲探春春可憐落花流水夕陽天蹇驢扶醉歸
來晚林外數聲響杜鵑

杜甫遊春

桃李榴荔四果圖爲鄧生士齊題
秣坡先生詩集

卷二 七言絕句 六

世傳方朔負仙才虛道三偷不復回我欲乘風訪
王母遠擎仙顙下瑤臺

御宿樊川百果宗笑含曾薦茂陵宮古今嘉賞多
如雨只有潘郎賦最工

漢使西遊爾始東何人移植到南中星房滿貯丹
砂粒好向羅浮訪葛洪

南國何堪產異才年年筐篚入蓬萊千金難買蛾
眉笑一騎紅塵萬里來

剝盡羣芳獨見梅看花徐步踏莓苔明朝又報春
風到寫盡花前得意杯

淞江釣者

山中博奕閒王質谷口耕鋤老子真那似淞江風
景好一竿長釣水粼粼

京回口號

白雲滿埜隱松杉無數峯巒碧似藍京國歸來詩
滿軸西風吹帽鬢毵毵

題雲山書屋圖

秣坡先生詩集

卷二

七言絕句

九

黃雲山下白雲居案有瑤琴架有書今日客遊驚
見画扁舟遙欲賦歸歎

金陵南渡大江西到處名山屬品題一曲倚闌千
古意浩歌歸去訪龍溪

漫興

達官於我旣無分亦學淵明歸去來香秔準備十
月熟黃菊商量九月開

賀陳指揮壽

塞上涼風似水流人問佳氣屬初秋長庚耿耿光

如月偏照轅門萬戶侯

笑領三軍闢草萊柳營移向白雲堆驂驢花外嘶
春雨知是巡行麥壠回

題畫

松檜如烟夾徑開宦情羈思共徘徊柴門寂寂秋
無際都似淵明歸去來

與張澄淵覓桃栽

幽居渾似武陵溪兩岸飛花徑欲迷爲愛碧桃無
處覓種桃仙客在城西

秣坡先生詩集

卷二

七言絕句

三

宴樂圖

爲夏揮使題

籌邊將畧鎮諸蕃甲帳風清戰馬閒宴爾盡樓春
似海玉人扶醉倚闌干

題士女觀書圖

宮院沉沉日似年水晶簾捲理遺編勸君只看班
姬傳莫續胡笳十八篇

題趙文貴畫

四首

雅愛結廬芳樹林閒雲野鶴一生心醉眠不覺春
歸去門外落紅成綠陰

屋頭松檜與山齊屋外飛泉落小溪野老相逢多
欵曲杖藜時過石橋西
幾年辜負釣魚竿從此江山老眼看欵枕滄溟香
夢遠西風吹不到長安

會記當年奏凱還斷灘衝雪過榆關如今萬里看
圖画十載江山夢寐間

畫梅

蹇驢會上庾闌頭萬樹瓊瑤雪夜遊一自別來經
十載扁舟又欲訪羅浮

林坡先生詩集

卷二 七言絕句

三

揚州

環城處處繞清波甲第連雲十萬多見說少年全
盛日臥吹簫管上淮河

題雙門謝生佐山水圖

原非太華與終南路八雙門滴翠嵐京國歸來親
未老石橋流水徑三三

竹圖

爲董生匡題

百尺蒼龍亦逸溪春陰日日宿雲低無端峽裏英
皇廟更有鷓鴣溪處啼

過大庾嶺寄馮梅窓表兄

眼看庾嶺梅花發，忽憶東臆月夜時。
風景蒼蒼異，南北那堪心事轉。淒其

醉後縱筆

琴劍相隨汗漫遊，萍踪梗跡遍中州。
六韜三畧知何用，空咲平生學武侯。

聽鳥

青山疊疊水泠泠，隻影堪憐萬里行。
鶯燕不知懷別恨，隔林調古送春聲。

林坡先生詩集

七言絕句
卷二

一三

思歸

萬里長城十載寒，歸心日夜憶鄉關。
何時歸到文溪上，自坐魚臺弄釣竿。

洪武丁丑免戍南歸

自乙丑戍邊至是蓋十三年也

太平不用戍邊閑，六合塵清戰馬閒。
聖代儒冠應有用，獨騎欵段出青山。

賀王揮使生日

九天仙鶴下瑤臺，知是蟠桃昨夜開。
五色祥雲光炯灼，柳營佳氣似蓬萊。

紅梅圖

最愛西湖萬樹霞
綺羅叢裏媚韶華
東風恰似河陽縣
誰道孤山處士家

秣坡先生詩集

卷二 七言絕句

三

湖陰蕭首處山臥士家

最愛西湖萬樹霞綺羅叢裏媚韶華東風恰似河陽縣誰道孤山處士家

秣坡先生詩集

重刻秣坡先生詩集卷之三目次

五言律

水東村

見李大
厓舊志

慧力寺

見邑志
釋子號半閒

寄古起之

清遠縣

夢中與景文朱君夜坐作四句覺後續之

遊黃巖寺登雙劍峯石塔觀尾泉

遊棲賢寺入萬松關過三峽橋

宿五老峯下山家

遊東林寺登遠禪師講經臺覽冰壺蓮社之

秣坡先生詩集

卷三 目次

一

地

謁孟子廟

題戴侍御望雲思親圖

至郡伯驛見新月

吉安河下夜雨

過五婆灘幾覆舟

和韻東隱聶表雷州見寄

歸夢

客懷

寄諸弟

和方同知木棉花

東軒圖

五言排律

精義卷之三目次

分題得石門返照送王仲迪回瓊見文翁大成

遼陽寓懷二百韻

五言律

越山秋興見嶺南聲詩鼓吹

其二

謝潮宗汪叅政惠筆 錢何子海先生北上

釣臺 胡秋厓方伯顧釣臺

金郡守解宦北歸 贈張彥昭赴闕

承召寄弟彥昭宣化主簿

柬鄧士齊士均兄弟 京師曉望

秋坡先生詩集 卷三 目次 二

出郭二律 送張郎牧廉州

贈閻舍人芝閣 送潛憲副蒞廣東

除夕寄李明府文康

張宇忠新軒成走柬荅之

又贈樵隱 別王別駕往潮陽

弟彥昭入覲 岳陽樓晚眺

和秋崖九日感興 贈曾確之官交趾首二

李宜自殿院歸 闕拜禮部郎

送郭糧儲考轉遷嶺南

雨夜司馬連翊之榻 單千兵還荊州

五仙觀和趙推府 從戎渡龍江潭

秋興 遼東春日 四首

呈武千兵 無題 二首

河中老 白雲觀望山臺

哭西菴孫先生前翰林典籍吏科給事

遊冲淥觀 訪遇真觀趙尊師

送表弟湯應璧北上 永樂里閒試

峽山寺次西菴孫先生韻 太山吳道人

林坡先生詩集 卷三 目次 三

峽江龍母廟 寄太山吳道人

陳節婦 海晏人 永樂里閒居叟

寄鄉中親友 遼東春日 賦草詞

後院縱步 兵後送人還鄉

寒食遇雪 白鶴觀望仙臺

蓬萊閣 桑墟曉行

夜宿南津 客中春暮

登滕王閣 寄岡州訓導吳南枝

遊東湖黃處士園 東斗峒伍汝梅

輓龍訓導 二首

別履祥兼柬曾主事劉給事 三首

贈黃主簿昭

七言排律

客路書懷

別羅復謙陳楚良熊隆祖

秋坡先生詩集卷之三目次終

秋坡先生詩集

卷三 目次

四

楓華... 劉給事

容... 劉給事

子言排律

創黃主簿昭

根... 曾主事 三首

辨... 二首

重刻秣坡先生詩集卷之二

五言律

水東村

見李大匡舊志

翠竹三了路清流一帶村林間隱茆屋溪處自桃
源秋風熟禾黍旭日散雞豚醉裏忘爲客生涯卽
故園

慧力寺

見邑志
釋子號半閑

寺住叢幽處半閒雲外家綠搖風動竹紅落雨飄
花倦客頻登閣山僧屢獻茶相逢如舊識歷歷問
秣坡先生詩集

卷三

五言律

一

南華

寄古起之

別後已三月高懷近若何絕憐過雁少因負寄書
多夜夢驚梁月春愁動劍歌相思幾惆悵雲樹鬱

山河

清遠縣

湍水急如箭峽山高入雲久聞獠獠俗何異犬羊
羣遠樹含春色孤城靄夕曛獨憐名利客來往自

紛紛

夢中與景文朱君夜坐作四句覺後續之

此景不長好其如良夜何襟懷三月別尊酒二更
多往事隨春夢新愁發浩歌覺來家萬里魚雁杳

山河

遊黃巖寺登雙劍峰石塔觀尾泉

行到山深處禪林迤邐開雲從雙劍起泉自半空
來境別浮屠塔真空明鏡臺捫蘿登絕頂臨眺重
徘徊

遊棲賢寺八萬松關過三峽橋

秣坡先生詩集

卷三 五言律

二

傳者不足信攜琴直到山虹橫三峽水雲鎖萬松
關景到箇中極心從靜處閒湛菴大顛老晚得共
躋攀

宿五老峯下山家

南來萬里客此地偶經過雞犬人家少烟霞古跡
多青山堪隱逸白髮老耕鋤每說當年事春風滿
薜蘿

遊東林寺登遠禪師講經臺覽冰壺蓮社之

地

蓮社千年會冰壺一鑑開遠公初入定總老又重
來烏向金輪去雲從石塔回登臨無限意更上講
經臺

謁孟子廟

青衫倦遊客過此聖賢居戰國山河在成周禮樂
殊三遷憶慈母百世重真儒稽首崇瞻仰清風滿
座隅

題戴侍御望雲思親圖

老親康健日愛子宦遊時目斷青原下心馳紫水
秋坡先生詩集

卷三

五言律

三

涯江雲春漠漠庭樹影離離遠器公期負歸來鬢
未絲

至郡伯驛見新月

暗魄光微露長空影暫流蛾眉初二夜蟾窟一痕
秋客路驚時序親庭動別愁遙憐小兒女日日望
歸舟

吉安河下夜雨

江土思歸客扁舟愧遠行鄉關幾千里風雨二三
更灑氣催寒至狂波入夢驚誰家砧杵急更憐阿

儂情

過五婆灘幾覆舟

怪石如伏虎崩湍若建瓴風波幾重險軀命一毛
輕否泰從今日乾坤付此生斜陽幸無事啼鳥送
春聲

和韻東隱聶表雷州見寄

絕域淹行役書空不自休謾持蘇武節倦倚仲宣
樓鄰媪能知已吟翁豈重愁窮通隨所遇天地一
虛舟

秣坡先生詩集

卷三 五言律

四

歸夢

客處獨幽甚風霜驚歲華
慈顏長在憶歸夢每還
家後圃橘垂彈東軒梅欲
花覺來月在屋撫枕重
谷嗟

客懷

親庭曠定省况復歲華臨
明月故鄉思白雲遊子
心詩憐未起俗琴恨少知
音何事東鄰婦當當急
暮砧

寄諸弟

自憐苦相失漂泊在天涯萬里長爲客三年不到
家初春逢驛使知汝上京華此後長相憶愁來眼
欲花

幾載音書絕卿關夢寐多愁來悲骨肉老去事干
戈路杳紅塵暗天長白雁過無由問慈母康健近
如何

平生經濟學半世苦爲儒弧矢懷初志山河隱舊
居塵埃淹歲月風雪老鬢鬚安得歸來好相攜讀
父書

秋坡先生詩集

卷三

五言律

五

和方同知木棉花

南州有嘉樹絳萼壓枝低小草難爲伍甘棠可與
齊丹心承雨露黃葉淨塵泥節操宜堅守羣鳥得
所棲

東軒圖

高士愛居震闢軒恒在東曉天纔杲杲旭日已曛
瞳庭草自交翠檻花相映紅焚香讀周易幽意託

羲農

五言排律

分題得石門返照送王仲迪回瓊南

是文翁大成

北接梅關道南連穗石城潮隨滄海落山與白雲
平遠岫呈秋色斜陽弄晚晴僅離三舍影遙見半
輪明綠樹棲霞錦金波漾翠瓊澹烟籠昧谷薄暮
暗長汀過鳥紛紛去寒蟬處處鳴牛羊來草壑烟
火起柴肩歸客心千里修途驛幾程羣英羅偉餞
尊酒叙離情風起征帆急潮平去棹輕鷗飛檣近
白山過目留青對景圖堪寫搜詩句易成瓊臺入
烟霧儻耳限蓬瀛仰德初推藺論交始識荆丰儀
秋波先生詩集

卷三

五言排律

六

今得睹肝膽卽相傾邂逅成膠漆懽娛比弟兄陳
雷難擅美管鮑已忘形惜別思投轄銘心若斷纓
爲公歌此曲感激涕縱橫

遼陽寓懷 一百韻

絕域玄菟北雄藩渤海邊并營連塞漠幽薊異風
烟駐驛澄州界湯池析木壩路從熊岳散山到白
狼連古鎮長城外遼濱夕照前戰場雲漠漠叢塚
草芊芊開國俱英傑安邦悉俊賢封疆環百濟聲
教被朝鮮美俗殷箕後清風肅慎先祭侯誠志勇

偏帥亦通權，劍霸才稱度。圖王業止淵，將雄司馬
晉功盛，慕容燕秦漢，威名大隋唐。戰伐專控弦，兵
百萬開拓宇。三千煬帝終歸亂，文皇亦負愆。輿輪
功未廣，心腹禍相煎。強弱慎淪沒，桑田幾變遷。遼
金迭興替，胡貊已綿延。接踵源流盛，相承正朔偏。
穹廬分部落，左袵播腥膻。兒女同川浴，尊卑弁榻
眠。羣居成偃蹇，一室稱周旋。將校冬前閱，兵車雪
後畷。挺姿多鷲悍，用武自輕便。銀甲高低葉，琱弓
左右鞬。臂間蒼鶻立，花下紫駟拴。白鹿裘過膝，青
緜坡先生詩集

卷三

五言排律

七

貂帽覆肩比鄰無，老少天屬各姻媿。玉貌誇盤鬢
容華貼翠鈿，半腰裁合袖，匝地舞鞦韆。瓦缶羅兒
酒，鑼鍋酪乳饅，雞豚隨日足。藜藿四時妍，會客厨
邊度。祈神炕上筵，弄歌聲窈窕，狄舞影蹁躑。雨過
平房濕，冰凝兀刺穿。繁絃希鳳管，朽屑當龍涎。地
亦因人異，風從習俗傳。恒居猶可歎，况復事相牽。
賤子罹多難，羈孤喘未痊。去家過萬里，爲客已三
年。桑梓江南夢，塵沙塞外天。別離驚歲月，跋涉遍
山川。憶昔兒童日，深承父母憐。歲荒猶飫肉，冬暖

尚裝綿寫字階前立斑衣膝下聯趨庭初問禮騎
竹學吹塤蕭蕭趨樽俎雍雍設豆籩已諳懷橘義
時上頌椒篇弱冠親師友閉窓理簡編朝陽出滄
海秋旻映清漣雪案迎晨潤蘭膏繼晷然禮文勤
博約物理細竅研庠序瞻依久菁莪樂育全柳搖
芹泮碧苔染杏壇磚師說尊韓愈儒宗有鄭虔聲
名推獨步雅况藹孤騫道誼金蘭契交情鐵石堅
小心恒翼翼憂道日惛惛角藝窮優劣相規各勉
旃瑤琴揮玉軫錦瑟按朱絃作賦追王燦狂吟擬
林坡先生詩集

卷三

五言排律

八

謫仙龍蛇騰彩筆珠玉滿花箋 聖代需賢急綸
音美化宣求言誠惻惻東帛屢戔戔夜雨江淹夢
秋風祖述鞭平生經濟學此日孝廉船抱璞懷多
蹇梯雲未有緣潛鱗初出躍倦鳥復回還尚志期
嘉遯韜光養元乾蕭曹心寂寂巢許意翩翩卜築
依泉石棲遲遠市塵地先盤谷勝景冠杜陵立黃
卷書千帙青山屋數椽穿雲石片片通竹漚涓涓
過鳥天邊落飛流屋後懸凝眸觀紫翠洗耳弄潺
湲負郭桑麻地環坵稻糯田邏朝驚白髮散野收

烏鳶出戶通樵智開簾放遠巔補籬添種菊鑿沼
賸栽蓮梅萼衝寒放榕陰當午圓詩成偏愛酒景
好喜聞蟬果獻東坡荔茶煎達磨泉坐間無俗客
談笑有高禪自謂田家樂寧知憲網纏物情遽蕭
索生理竟迤邐浪迹如蓬轉憂心似火燂荆林嗟
失雁蕙帳惜分鸞驛路慵看暝江船怯聽鶉林芳
紅馥馥山月白娟娟長嘯空彈劍悲歌獨扣舷興
隨秋後燕淚應嶺頭猿骨肉人何在泥塗病正癩
志荒疎筆硯力憊逞戈鋌落日心猶壯秋風目已
林坡先生詩集

卷三

五言排律

九

聯薰蕕羞共器駑驥恥同軒技拙惟詩債囊空乏
酒錢蕭蕭新白髮落落舊青氈日月行中國風雲
灑八埏蓋棺事未已猶欲問燕然

五言律

越山秋興

見嶺南聲詩鼓吹

太平風物盛南州遠水長天分外幽商舶盡從滄
海至野樵多向白雲遊題詩富有邊經笥寫景還
誇鎮虎頭更喜四彝歸大統邊城無復再防秋

喜見車書混九州山林隨分樂清幽烟霞遶屋長
爲侶猿鶴忘機日共遊筆底詩成堪適興甕邊酒
熟任扶頭更於松下圍碁局白髮鄰翁似奕秋

謝潮宗汪叅政惠筆

幾回清夜夢分明千里神交在管城笑指樹雲憐
鮑叔坐驚風雨感毛生囊中不道千金滿篋裏長
懷一束精得意待瞻黃榜墨封侯應未讓青萍

餞何子海先生北上

折柳溪橋日正長百年吾道任行藏水邊樓閣眠
秣坡先生詩集

卷三 七言律

十

鷗鷺天上亭臺集鳳凰別盞暖斟松栢葉仙風清
灑芰荷裳明朝只有樓堪倚十二闌干海樹蒼

釣臺

雲根幾尺枕清流水色山光物物幽堂上倦歸同
海燕堦前分食與沙鷗春潮風動濤翻雪夜浦波
澄月在釣自有江湖烟景在執鞭富貴亦何求

胡秋厓方伯顧釣臺

雨過臺堦長綠衣行人駐馬扣柴扉清風結綠畱
鶯語白日鈎簾許燕歸眼底桑田隨處變人間淦

海任塵飛京華知已如相問便道垂竿老釣磯

金郡守解宦北歸

公名武石燕山人也

國

介冠諸郡來時行李去時同公自咏句也
惓惓惜別書與贈之

幾載承恩收海邦黃堂解組未須忙南來車轍隨
春兩北去琴書照曉霜一路福星歸汗竹萬年恩
愛在甘棠清風三徑松和菊應喜年來未就荒

贈張彥昭赴闕

聖主精勤勵治年廟廊霖雨渴思賢 綸音直下

三千里喬壤如瞻咫尺天經濟無謀憐我拙治安

秣坡先生詩集

卷三

七言律

十一

長策仗君言青雲圖報趁年少莫向春山聽杜鵑

承召寄弟彥昭宣化主簿

龍泉拂拭暗頻看暮倚危樓十二欄鐘鼎可人投
筆易文章有用濟時難望中雲樹鴻音杳夢裏池
塘草色寒昨夜使星見南極鶚書愧到子陵灘

柬鄧士齊士均兄弟

安樂窩中風正清卜居三徑近孤城六經家學千
篇在萬古心源一念惺聲名虛慚揚郡邑夢魂飛
不到公卿如何當道需賢皆錯把明經起伏生

京師曉望

景陽初罷五更鐘步遶蓬萊第一宮
光射金莖仙掌露聲飄玉佩鳳池風
九天樂奏簫韶合八極塵清宇宙空
雲路等閒燈火客欲憑詞賦頌三重瞳

出郭二律

洪武乙卯天下士由薦辟至者數百人
例赴部考予病不起使者促之日若以老成
明經薦得非恥與後進校未藝耶予笑而
不荅出郭賦此呈館閣諸公

秣坡先生詩集

卷三 七言律

三

東風吹雨灑蓬蒿白漲秦淮息怒濤
萬國時清來玉帛三邊塵靜返旌旄
上林春暖迴青鳥合殿香飄識袞袍
疎病豈堪供筆札蓬萊宮闕入雲高
撇去桐江舊釣沙遠承明詔拜京華
氣通重幄官雲潤影轉孤稜苑日斜
雉尾新頒仙館扇錦袍紅映杏林霞
曙霄補袞諸公在容我狂唵天一涯

送張郎牧廉州

画鷁亭亭綠柳灣錦袍遙下五雲間
六經初試平生學闔郡歡迎五馬官
瑞應兩岐春麥秀光生滄

海夜珠還從知此後相思處十二樓高月色閒

贈閻舍人赴閣

折桂曾聞到郟林十年燈火惜分陰未將舟楫江湖用儘沐鉤天雨露深
駕鷺筵班瓊作珮謀謨協贊鐵爲心只今四海文同軌笑我無能雪滿簪

送潛憲副蒞廣東任

清曉乘驄出

帝闕黃花采采照征鞍九天雨露看鵬翼一道威

儀屬豸冠日上山城榕樹綠兩晴官舍荔枝丹嶺

秋坡先生詩集

卷三 七言律

三

南解道炎蒸地能使飛霜六月寒

除夕寄李明府文康

杜陵歲晚不歸去絕域相知有鄭虔送窮但喜富有酒爲客莫笑寒無氈惡况閒愁倚衷曲長歌短咏盈花箋幾時相約月露下大醉起舞東風前

張宇忠新軒成走柬荅之

喬木陰陰結構深畱侯百代轉于今階前鶴啄碧

苔色籬下犬眠紅杏陰半生不陳賈誼策一醉愛

撫陶潛琴惟問山靈產何物今朝報我雙南金

又贈樵隱

高隱謾驚塵世遠，門深花竹倚牕開。
東風流水橋南去，落日放歌山下回。
釣渭已忘成大業，築巖終見老遺才。
蕭蕭白髮身長健，莫負山翁濁酒杯。

別王別駕往潮陽

大江東去水悠悠，岸柳無條繫客舟。
千里關山雲外目，滿江煙雨客邊愁。
尊前行色黃花酒，篷底離聲白雪謳。
今夜月明空壤澗，寂寥王粲獨登樓。

弟彥昭八觀

秋坡先生詩集

卷三

七言律

古

烏帽昂昂紫綺裘，宦情羈况一天秋。
馬從庾嶺梅邊過，人向金陵輦下遊。
毛遂才高終脫穎，仲宣賦好莫登樓。
倘應前席蒼生問，百粵塵清瘴厲收。

岳陽樓晚眺

斜著烏紗袖半籠，江樓閒倚夕陽中。
翠浮鰲背山翻浪，柔拂金絲柳舞風。
回雁峯高雲路杳，吹簫人去鳳臺空。
衡陽回首天空濶，萬里寒烟過斷鴻。

和秋崖九日感興

重陽抱病強登高，萬壑松風湧翠濤。
竹葉一盃聊

復爾菊花兩鬢漫蕭騷晴光隱隱開塵眼涼氣木林
森襲縕袍自笑年來轉疎懶厭聞車馬競喧囂

贈曾確之官交趾

將軍馬上凱歌還絕域塵清宇宙寬銅柱山河皆
郡縣雕題人物盡衣冠均施雨露回枯槁廣植桑
田慰餒寒聞說

九重深有意盡將此責付郎官

石渠小假出沙堤堤路新晴多馬蹄道是羣賢辭

上國便從五嶺入蠻溪交情欲話心如織別酒初

秣坡先生詩集

卷三七言律

五

斟醉已迷遙想旅途相憶處黃茅滿地鷓鴣啼

李宜自殿院歸闕拜禮部郎

十年窓下不辭勞三峽詞源倒海濤龍虎榜中高

入第鳳凰池上慣揮毫青雲路潤輪蹄穩紫駸

風清劍佩高四海只今鯨浪靜經邦奚憚試牛刀

送郭糧儲考轉遷嶺南

會計功優考已成又攜書劍轉南溟謫仙詩興元

無敵孫武才猷是夙明十載風波頭已白半生湖

海眼猶青東南財力今多竭風雨從星賴此行

雨夜司馬連翊之榻

簷溜瀟瀟未放晴，客牕分詠慰交情。
麗筵風急漏聲細，孤枕雨涼秋氣清。
萬里家山成遠夢，十年踪跡寄浮萍。
謀身每笑儒冠拙，白首蹉跎愧此生。

單千兵還荊州

昔挂綵帆來嶺海，今佩紫綬還荊州。
閭中諸將俱青眼，堂上雙親未白頭。
武畧文韜三世業，長鎗大劍平生謀。
應使常何老賓客，海天雲樹思悠悠。

五仙觀和趙推府

秣坡先生詩集

卷三 七言律

六

煙霞堆裏訪仙家，樓觀崔嵬歷歲華。
芝草綠荒壇下路，碧桃香老洞中花。
天連縵嶺從騎鶴，水接銀河好泛槎。
客况晚涼成久坐，鐘聲幾杵散棲鴉。

從戎渡龍江潭

長江渺渺駕征橈，入夜輕風積雨消。
浦口翠連江樹合，蔣陵高接楚天遙。
半篷夕照家千里，萬疊愁心酒一瓢。
擊楫中流豪氣發，欲將長組繫天驕。

秋興

八月秋高風氣清，俯臨邊塞限長城。
雲連海樹無

邊白山接藩籬不斷青絕域車書同制度中原人
物盡簪纓誰知茅屋秋風裏愁殺長安老杜陵

遼東春日四首

習習東風到海濱乾坤萬彙總知春東遼風物催
人老南國江山入夢頻惡况已隨塵土去好懷應
共歲華新醪酥一石詩千首醉倒淵明漉酒巾
遠戍玄都萬里遊客懷拳拳笑羈畱江南烟雨勞
歸夢塞上風雲動別愁抱璞無因朝

聖主曳裾詎肯謁王侯防身賴有龍泉劍萬丈豪

秋坡先生詩集

卷三

七言律

七

光射斗牛

空濛草色滿江臯猶帶餘香入戰袍笳鼓聲喧花
市近旌旗光拂戍樓高半生塵土憐多病兩鬢霜
風感二毛南望親庭獨愁絕只將清淚答劬勞
寒雲萬里遠從龍喜見山河絕域通禮樂綱維三
代盛車書文軌萬方同題橋空負相如志投筆長
懷定遠功凱奏南還應有日五羊風月待歸篷

呈武千兵

嶺南狂客久辭家復向渾河理釣槎窳達於人俱

分定漁樵到處可生涯青氈雪下懷蘇武破帽風
前笑孟嘉猷畝不忘君義重幾回南向望 京華

無題二律

簾幙低垂爽氣浮寒蛩唧唧枕邊秋眼穿別騎三
千里腸斷西風十二樓箋上幾行濃澹墨機中一
片短長愁夢魂不怕江山遠夜夜逢君瀚海頭
日日高樓望遠歸淚痕和雨濕羅衣香消寶鴨煙
光澹塵暗菱花月色微 京國夢回雲樹杳江湖
愁極雁書稀黃鸝殊不知人意時向窓前作對飛
秋坡先生詩集 卷三 七言律 六

河中老

千載東門有故侯柳陰今見一孤舟龍韜奪得三
軍帥蜃氣駕成五鳳樓梁棟久藏 廊廟器江湖
遠抱主君憂莫將潦倒悲遲暮海表來時雪滿頭
哭西菴孫先生前翰林典籍吏科給事

嶺南佳氣屬英髦霽月光風品格高籍籍才名臺
閣器斑斑文彩鳳凰毛青年登第心何壯白首從
戎氣尚豪垂老天涯零落盡空餘遺恨滿江臯

遊冲湫觀

碧山雨過草如苔
路入冲淚絕點埃
絳節幾時依
貝闕紅雲四合擁
瑤臺鳳簫聒耳鶯
初轉霞幌當
簾花正開長嘯一聲
天地澗白雲流水送歸來

訪遇真觀趙尊師

撥破烟霞扣竹扉
玉簫何處咽聲微
青牛放野春
遊罷白鶴傳書暮
鼎歸水漲野橋溪
路暗柳溪門
巷雪花飛紫芝滿地
無人管一任狂唵送落暉

送表弟湯應璧北上

年年送客上瀛洲
今復送君賦遠遊
賈誼洛陽初
秣坡先生詩集

卷三 七言律

九

入覲管寧遼海始歸舟
青雲冠蓋皆當道
白髮山林獨首丘
一別未期何日會
典衣那惜醉江樓

峽山寺次西菴孫先生韻

兩岸湍聲萬壑雷
梵王樓閣此中開
茶烟初起曉鐘罷
梅雨半晴春水來
綠樹低環禪坐石
白雲長護釣魚臺
扁舟穩繫垂楊下一笑登臨亦茂

峽江龍母廟

松檜如烟夾道涼
輝輝樓閣倚蒼江
山今古景長在南
北去來人自忙
一樹秋聲驚客夢
幾腔漁

笛弄斜陽幽懷到此堪消遣笑指他鄉是故鄉

寄泰山吳道人

當年浪跡遍中垓會到神仙洞裏來
種藥巖前瑤草發朝真壇下碧桃開
邀看伏火黃金鼎共酌流霞白
玉盃今日相思重相望泰山雲氣碧崔嵬

陳節婦

海晏人

泉石興詩林

卷三

生歿榮枯謾自裁此身端不受塵埃
非緣白髮催殘景翻怨紅顏起禍胎
管取聲名歸直筆聊將金石比
靈臺芳魂應化春啼鳥一度韶光一度哀

秣坡先生詩集

卷三 七言律

十

永樂里閉居叟

烟蘿影裏敞幽居石徑崎嶇客到疎
滿地鶯花三月酒一檠風雨五更書
雲深蓮社詩壇靜月朗梅窓紙帳虛
老我剛尋泉石興萬花林外一牛車

寄鄉中親友

雲山雲麓

別後頻驚歲月過故園松竹近如何
客途迢遞風烟老親隴荒涼夢寐多
天遠豈堪頻眺望興來時有一高歌
黃雲紫水幽棲地辜負漁竿萬頃波

遼東春日

東風吹散雪模糊萬里山河入帝圖
刀劍已諳新節制衣冠猶帶舊規模
心從曠達詩仍好興到疎狂
酒再沽歲月如流老將至著書
無計學潛夫

後院縱步

碁局聲高晝夢闌人間何處更商顏
風薰四壁鳥聲碎花落中庭蝶影閒
玉剪差池簾幙燕翠屏濃澹
画圖山詩成一笑乾坤老萬事無
心自掩關

兵後送人還鄉

烽息山城乍戰休
斷魂江上送歸舟
鄉關寥落風

秣坡先生詩集

卷三 七言律

三

塵晚澤國荒涼草樹秋
舊業半隨烟燼滅
故江猶帶夕陽流
淒然間里悲相見
滿目鶯花總是愁

寒食遇雪

三月邊城雪未乾
瓊瑤飛舞海天寬
榆烟寂寂千家曉
柳絮紛紛萬里寒
歌管聲中銀作屋
鞦韆影裏玉爲竿
半生踪跡遍南北
知是明年何處看

白鶴觀望仙臺

仙子已乘仙鶴去
山中空有望仙臺
啼殘幽鳥日將暮
落盡好花春未回
入画峯巒流水外
倚空樓

觀白雲堆嶺南狂客經遊處幾度題詩掃綠苔

蓬萊閣

蓬萊閣上望蓬萊萬丈瀛洲縹渺開雲鳥烟光巢
翡翠海門蜃氣結樓臺安期丹竈今何在徐福樓
船去未回老我一襟懷古意倚闌登眺重徘徊

桑墟曉行

玉宇蒼涼曙色分楚歌四起杳相聞桑林短短平
依路茆屋低低半是雲舊日琴書成遠夢倚空刀
劍漫從軍謀身莫笑儒生拙投筆于今可立勳

秣坡先生詩集

卷三

七言律

三

夜宿南津

夾岸叢芳湧翠痕寒江烟火數家村雲連野色生
離思風激湍聲入夢魂時把香醪消永日愁聞戍
鼓報黃昏綠知老母遙相望華髮蕭蕭獨倚門

客中春暮

鐵硯磨穿筆正投管絃聲裏月如流白雲桑梓家
千里烏帽輪蹄驛九州匣露青萍浮瑞彩杯傾竹
葉散羈愁苦吟只恐春歸去夜夜南園秉燭遊

登滕王閣

物換星移幾百年，毀垣頽址尚依然。地連南浦臨江驛，門泊東吳賈客船。岸芷汀蘭青冉冉，落霞孤鶩影翩翩。豪華去後人何在，滿目青山夕照前。

寄岡州訓導吳南枝

草草相逢又別離，論交猶未愜襟期。常思盃酒論文日，未復連牀對雨時。紫水暮天烟樹杳，白雲瘴閣海帆遲。天涯日晚逢來使，聊折梅花第一枝。

遊東湖黃處士園

拂拭枯桐五柳東，故人遙在白雲中。數椽茅屋蘿林坡，先生詩集

卷三 七言律

三

將合一線松門路，暗通白雪調高泉。漱石蒼龍影瘦竹，搖風怡情更有鈎。詩酒慣許東湖處士同。

東斗峒伍汝梅

幾年辜負釣魚竿，萬里歸來馬離鞍。黃菊有期佳節賞，青山畱得白頭看。塵埃冉冉皆春夢，猿鶴蕭蕭共歲寒。垂老論交情更古，新題莫惜問平安。

輓龍訓導

書劍飄零庾嶺東，邑庠三載振儒風。子虛賦就心猶壯，雄露歌殘夢已空。空谷家山雲樹外，熒然形

影月明中可憐埋玉岡城路猶有文光貫夜虹
雲氣從龍接九天奎文遽隔紫微躔衣冠牢落三
千路詩禮從容五十年蘋藻有心嚴俎豆箕裘得
意富韋編傷心迢遞招魂賦處處青山有杜鵑

別履祥兼柬曾主事劉給事

楚楚丰儀觀國賓東曹三載擅精神一經學問由
先世三語風流冠昔人彩鷁兼葭香浦月倉庚楊
柳鳳城春青年事業應能致獨有忠勤善立身

相知長憶今先人三世通家復有君灑翰墨花翻

秣坡先生詩集

卷三 七言律

五

彩鷁彈冠行色照青雲文園不但才情豔洛下應
增紙價新石壁關山分手處綠波春草澹晴曛

戶部端嚴秉至公黃門言論氣如虹早年郡邑聲
名重一旦風雲步武同環珮清班聯玉笋簫韶大
饗錫彤弓君行捧刺通名處爲報滄洲屬老翁

贈黃主簿昭

黃侯才氣重如山佐治琴堂政不繁三載簿書淹
矮屋一朝鳴珮筵朝班孤舟載月離熊海匹馬西
風度庾關此去定應承顧問好將經濟答龍顏

七言排律

客路書懷

半生塵土一儒衣，兩鬢蕭騷白接鬮。賈傳憂時徒
自切，侯生際遇獨何遲。吳山楚水淹行役，象嶺羊
城惱別思。去路人家烟縷縷，臨溪官驛柳絲絲。花
籠越女迎仙館，風颯吳娃賣酒旗。詩興淒涼憐杜
甫，琴音岑寂惜鍾期。船頭吹笛斜陽外，篷底聞砧
夜月時。歸夢已隨飛雁去，羈情不逐彩雲移。江門
渡口蓴鱸美，塵外亭前橘柚肥。撫景莫嗟家萬里，
林坡先生詩集

卷三 七言排律

五

天書已下鳳凰池

別羅復謙陳楚良熊隆祖

蕭蕭戎馬客，襄平歲晚相逢始。識荆愧我蹉蛇如，
子立憐君邂逅若。平生琴書夜月青，氈帳詩酒春
風細。枿管貧賤十年知，世態歿生今日見。交情蓴
鱸興，動思張翰雞黍期。寒笑巨卿霜落雁羣離，朔
漠天高鵬運轉。南溟巨廬風物牽，情遠庾嶺江山
入。夢清攜手河梁忍，分袂幾時重與話寒盟。

林坡先生詩集卷之三終

重刻秣坡先生詩集卷之四目次

詞

八月十八日遍遊鳳凰城 醉太平

寄東海 折桂令 閨詞 風入松

朱二尹朝覲 臨江仙

至清溪走筆和劉河泊 清江引

又

謠

清河謠 鹿步謠

秣坡先生詩集

卷四目次

一

外海謠 平康謠

賦

梅友賦 問月軒賦 贈羽士歐陽子

放龜賦 并序

朱二氏樓

寄東海

八月十八日

秣坡先生詩集卷之四目次終

重刻秣坡先生詞集卷之四

詞

八月十八日遍遊鳳凰城 醉太平

鶯花砌錦城龍虎壯瑤京文明禮樂播新聲
賽周成治平英雄氣壓邊疆靖賢良策奏人
材盛陰陽順氣鬼神寧與陶唐並稱

寄東海

折桂令

老頑老頑酒詩蕭條別後相思高興迢迢
隻影熒熒孤燈寂寂兩鬢蕭蕭不平恨何時
是了這離愁秣坡先生詞集

卷四 詞

一

對景難消地遠天遙何日歸來快活了暮暮朝朝

閨詞

風入松

鳳孤鸞隻怎生熬鰓守困蓬蒿薄情鶯燕偏相惱
傷懷處漫倚庭臯比翼雙飛何日同翻碧海波濤

朱二尹朝覲

臨江仙

綠映園林三月暮江南處處啼鶯文章幕宰上瑤
京袴襦歌載道琴鶴送行旌大庾嶺頭回首處寒
梅應放瓊英兒童竹馬笑相迎風雲重際會雨露
到岡城

至清溪走筆和劉河泊

清江引

清溪柳庄官舍小不許閑人到心懷雪月清筆掃
雲烟落這風流想君多占了

又

草堂簾捲花月小歸夢常時到黃金榜色新紅雨
飛花落這山庄幾時歸去了

謠

清河謠

河清縮髻春意鬧三十不嫁隨意樂江行水宿寄
秣坡先生詞集

卷四

二

此生搖櫓唱歌槳過澗

鹿步謠

細帽茜裙趁墟市飛獸紛紛如雲起二月十五大
王齋鬪歌都道娘來裏

外海謠

裹肚爲裙紗作髻萌滯日長取菰米潮平洲渚卻
歸來齊唱一聲水盪弟

平康謠

幼小婚姻在鄉里絡布爲裙蕉布被唱歌互荅多

比情相逢便道娘十幾

李承箕云此古竹枝歌之遺音也

賦

梅友賦

惟二氣之順布兮品彙咸亨匪物物刻而彫兮萬
殊其形雖草木之微兮咸遂其生或茂而歿或壽
而靈或秀而不實或朴而堅貞紛紛不齊乃物之
情惟梅之生今得元氣之清負陽抱陰今含芳孕
馨超類拔萃兮百卉之英斯處士之所愛盍朋
秣坡先生賦集

卷四賦

三

簪而結幽盟方隆冬之嚴沍正積陰而寒結水不
流而堅冰兩飛散而成雪枯枝號寒喬幹欲折喜
孤根之獨回啓生意於萌孳觀夫陽復地中葭灰
初動撓玄冥之權專東君之寵瓊葩輝映玉骨破
凍明月挂稍兮疎影橫斜微風拂檻兮暗香遠送
冲澹兮孤山之操縹緲兮羅浮之夢蘭兮菊兮幽
芳可共松兮栢兮差可伯仲彼漫山麓俗兮桃李
芳菲望秋先零兮蒲柳之姿匪材兮樗櫟芒刺兮
疾藜是宜處士之所棄安敢擬梅之清奇也若夫

六花飛揚兩間虛白寒光交映瓊瑤一色於斯時
也處士縞衣玄裳紙帳方牀撫猗蘭之雅操蕪醴
涎之異香挹連仙之風味搜浩然之枯腸固有寵
辱兩忘其喜洋洋者矣皓月流空人影在地疎枝
交錯奇香撲鼻於斯時也處士冠華陽巾策葛陂
杖開軒牕以延覽踏龍蛇以相訪誦廣平之麗賦
樂東坡之幽賞萬慮不興放襟懷於雲夢之上矣
噫嘻姚黃魏紫固世俗之所美薰蕕同器尤君子
之所恥差託物以自適不惟慎乎取與故濡筆以
秋坡先生賦集

卷四賦

四

敬辭表夫君之高致

問月軒賦 贈羽士歐陽子

若有客兮出入紫闥徜徉清都蛻蟬蟪於天地寄
歲月於蓬壺跨黃鶴而南下乃息駕于祝融之墟
旣而宴蟠桃之嘉會乘長風而招予予乃載馳載
驅徑造衡廬相揖而坐談笑自如天舒圖畫籟奏
笙竽老蟾叱開其妖氛玉兔捧出其驪珠廓人世
之宣朗散神光于太虛客乃飲酒放歌振珮揚鈴
霞衣擘煜金鐵鏘錚與予振騰霄之翮扣廣寒之

扁問嫦娥之侶造太乙之庭果何物兮有氣有形
運不息兮西墜東昇何遇晦兮歿魄旣翼日兮生
明何望夕兮一鑑圓旣越望兮又虧盈何玉兔搗
藥而長生何吳剛斫樹而不傾噫豈非陰陽之玄
妙誠莫測而難名者耶於是嫦娥歛衽太乙持誠
拱而對曰子盡識乎清虛之境週知造化之靈又
胡爲諄諄而問屑屑而評子蓋悲乎世之人羈塵
鞅之營營于以弗能遂其性于以弗能陶其情惟
吾託身於月府參幻化之玄冥子能從我而遊乎
秋坡先生賦集

卷四 賦

五

我將賦子以遐齡訥子乃正色而復之曰吾知神
仙之虛詭匪可學而能唯樂天知命養素保貞不
戚戚於貧賤不汲汲於利榮我今問子於有形非
謂求之於無聲言旣已與客翩翩而去週八極而
方還不知暘谷之將曙

放龜賦

并序

歲乙丑懶雲軒聶秀軒偕黎陶陶生貞馬惺惺子
紹陳囂囂者剛暨南海採薇生劉氏粹之者從番
禹度庾嶺拿舟自南安歷吉贛順流而下所之名

山秀地卽停舟浴岸訪古懷賢觸景賦詩何可勝
紀秋季之九日攏船于豐城木胡村懶雲公曰人
生寓形天地間六合之內皆吾家也豈可以遠遊
之故而廢令節不講哉於是沽酒市殽登高嘯詠
盡日而罷向夜而還浴河步月偶遇一龜夾於枯
槎之上於是俯取而謂陶陶生曰龜神物也今困
於此豈非靈於人而非靈於己之驗耶生曰物之
否泰固有其數不惟於物爲然而人亦猶是也管
仲以九合一匡之才初與鮑叔謀事而大困厄豈
秣坡先生賦集

卷四 賦

六

其智之不及哉時有利不利也由此觀之物與人
一體也否與泰相因也盈虛消長理固非苟然者
安得以一時之厄而終廢其終身之神哉懶雲公
曰子之言當矣我今放之於江返其故居俾遂其
平生之樂以盡其未盡之遐齡不亦可乎子其賦
之生遂賦其辭曰

若有客兮非獵非漁隘居塵世泛舟江湖訪風景
於廬岳陟龍光之故墟隨適所樂從意自如乃植
杖披羊裘涉峻坂臨清流月光朗以舒景木漸瀝

而驚秋於是浴河賦詩徐步綢繆忽睹一物誤羈
槎頭進退不得宛如拘囚俯而提攜是乃靈龜客
曰噫嘻神物胡爲而困於斯哉蓋物有四靈龜居
其一體用異常方圓備質其爲體也外堅內順不
華不飾擇幽壑以潛形與羣動而異迹吸元氣以
鍾生保遐齡於千億漁獵不能以餌誘鮫鱣不敢
以吞食其爲用也含陰陽之至精備三才之妙化
闡洛書之九疇昭河圖之八卦孕神機於先靈布
洪範於諸夏故甲虫三百六十而龜爲之長也何
林坡先生文集

卷四

賦

七

不自神履其危津傾身一跌遂屈不伸每惶惶於
俯仰復棲棲於江濱曾魚驚之不若差可配乎鳳
麟嗚呼或譏爾神而困於厄閭之天是不知盈虛
消長乃數之自然也故用放爾于江返爾故鄉俾
爾養性靈于宴安之所息塵念于風波之場寓運
化以自樂侶蝦蟇以徜徉敦木訥以示朴衍福壽
于無疆爾故因人而喜有所遇人亦因爾而感否
泰之無常

0980

